


Ko toi he uri o mahara pohewa

Hei tautoko i te aromatawai



NGĀ TOI

Tau 9 - 10

Nā Boundream Limited



**Te Kāwanatanga
o Aotearoa**
New Zealand Government

He mea whakaputaina e Boundream mā te Tāhuhu o te Mātauranga.

Nā Rāwiri Toia rātou ko Daisy Toia, ko Tabitha McKenzie, ko Rik Samuels o Boundream Limited tēnei rauemi i whakarite kia whakaputa ā-matihiko.


Ko Tabitha McKenzie te kaituhi.

Ko Jane Barratt, 'Design by Jane', te kaihoahoa.

Ko Katharine Hall te kaitāpikitia (te Uhi).

Kei a Boundream Limited ngā mana katoa mō ngā pikitia kei te uhi.

Kei Te Tāhuhu o te Mātauranga te mana tārua.



I whakaputaina tēnei pukapuka i te tau 2020

Mana pupuri ©Te Karauna 2020



Ko toi he uri o mahara pohewa!

Hei tautoko i te aromatawai



Anei he kōrero āwhina i te huarahi whakaako

Ko ngā hua ka puta mai i tēnei kaupapa:

- He māramatanga ki te takenga mai o ngā huānga kei ngā mahi a te rēhia, ngā toi puoro me ngā toi ataata ki te ao Māori o nāianei;
- Te whakamātau, te whakamahi i ngā mahi a te rēhia, ngā toi puoro me ngā toi ataata i roto i ngā horopaki huhua;
- Ko te parahau i ngā whakaaro matua e hāngai ana te mahi toi, kia mārāma ai aua kōrero e te hunga whakarongo, e te hunga mātakitaki.

E rua ngā wāhanga kei tēnei rauemi, tuatahi ko ngā ngohe mahi, ngā hei mahi rānei mā ngā ākonga. Tuarua, ko ngā kohinga kōrero mō ngā huarahi aromatawai me ngā hononga ā-marau ki *Te Marautanga o Aotearoa*.

Ngā Whāinga Ako

Kia whai māramatanga te ākonga ki:

- ngā momo huānga toi rēhia, toi ataata, toi puoro hoki
- te whakamātau i ngā huānga me ngā pūkenga mahi toi
- te tito waiata, pao hoki
- te hanga nekehanga mō ngā momo toi rēhia
- te waihanga toi ataata e hāngai ana ki tētahi kaupapa
- te whakatau whakaaro
- te kōrero ki tētahi rōpū, ki tētahi minenga

Tau kura o te ākonga

9-10

Te Marautanga o Aotearoa

Ngā Toi, Ngā Mahi a te Rēhia, Taumata 3-4; Toi Ataata, Taumata 3-4; Toi Puoro, Taumata 3-4

Whāinga Paetae

Taumata 3

Ka tūhura, ka whakamahi, ka whakaatu, ka whakaputa whakaaro hoki te ākongā:

- [tūhura, mahi, mōhiotanga, maioha] i ngā nekehanga i roto i ngā horopaki huhua o ngā mahi a te rēhia.

Ka tūhura, ka tito, ka whakamārama, ka whai māramatanga hoki te ākongā:

- [tūhura] i ētahi tohu ōkawa o te puoro;
- [mahī] i ngā mahi puoro hei mahi ngātāhitanga;
- [mōhiotanga] i ngā tohu puoro i roto i ngā titonga puoro;
- [maioha] mō ngā tohu me ngā taputapu puoro.

Ka tūhura whānui, ka whakawhanake, ka whai mōhiotanga, ka kite hoki te ākongā:

- [tūhura, mahi] i ngā ariā me ōna ake wheako whaiaro i roto i ngā tūmomo toi ataata;
- [mōhiotanga] he taonga nui te toi ataata;
- [maioha] i te huhua o ngā tohu me ngā tukanga hangarau hei hanga kaupapa toi ataata.

Taumata 4

Ka tūhura, ka whakaatu, ka whakamārama, ka whakaatu whakaaro hoki te ākongā:

- [tūhura, mahi, mōhiotanga, maioha] i ngā tukanga me ngā tūmomo mahi i roto i ngā mahi a te rēhia

Ka tūhura whānui, ka whakawhanake, ka whai mōhiotanga, ka kite hoki te ākongā:

- [tūhura, mahi] mā te tūhura me te whakamahi i ngā hua o ngā rawa me ngā taputapu;
- [mōhiotanga] i ngā mahi o te whiriwhiri tukanga rawa tā me te tāutu taputapu;
- [maioha] mō te whakawhanake whakaaro a te kaitoi mā te whakamahi i ngā tukanga me ngā rawa toi ataata.

Ariā matua

Mā te raweke i ngā rawa huhua o te ao tangata me te ao māori, ka tū māia te ākongā ki te whai wheako toi.

Aromatawai

Kei ia ngohe he wāhi whakarite taunakitanga mō ngā mahi kua oti.

Te panoni i ngā ngohe



Ka taea te whakarerekē i ngā ngohe aromatawai kia hāngai ake ki kaupapa ā-rohe, ā-iwi rānei, me ngā horopaki e whakamahia ana ki roto i te kura.

Anei he ataata hei whakamārama i te huarahi ki te whakarerekē i ngā ngohe:

<https://kahuputoi.workplace.com/groups/ngatoi/permalink/844784292668518/>

He wāhi anō kua whakaritea, arā ko 'Kahu Pūtoi'. He wāhi ipurangi tēnei hei tautoko i ngā kaiako e whakaako ana i te mahi toi.

<https://kahuputoi.workplace.com/groups/ngatoi/>

Kupu Āwhina

Ngā huānga, Toi Rēhia

oro	<i>sound</i>
reo	<i>voice</i>
hononga	<i>linking/sequencing</i>
nekehanga	<i>movement</i>
mokowā	<i>space/spacial awareness</i>
āhua	<i>form</i>
hāngū	<i>silence</i>
tauahanga tinana	<i>body stance</i>

Kupu Āwhina

Ngā huānga, Toi Puoro

rangi	<i>melody</i>
ūngeri	<i>rhythm</i>
tauirā ūngeri	<i>rhythm pattern</i>
tatangi	<i>texture</i>
hā	<i>tone/ timbre</i>
oro	<i>sound</i>
tangiata	<i>chord</i>
manawataki	<i>pulse/ main beat</i>
tūmomo puoro	<i>genre / style</i>
reo	<i>voice</i>
haumarangai	<i>high frequency sound</i>
haumarū	<i>low frequency sound</i>

Ngā huānga, Toi Ataata

rārangi	<i>line</i>
tae	<i>colour</i>
kakano	<i>texture</i>
kauruku	<i>shade/ tone</i>
āhua	<i>dimension</i>
āhuahanga	<i>shape</i>
mokowā	<i>space</i>
hononga	<i>linkage</i>
tohu	<i>symbol</i>